



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-33-8156-5/23
Sarajevo, 16.05.2023. godine

SKUPŠTINA KANTONA SARAJEVO-
-Služba za skupštinske poslove

PREDMET: Odgovor na zastupničku inicijativu-dostavlja se

Zastupnik Elvedin Okerić je na 6. Radnoj sjednici Skupštine Kantona Sarajevo, održanoj dana 29.03.2023. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovníkom Skupštine Kantona Sarajevo, **uputio zastupničku inicijativu:**

„Za unapređenje praktičnog rada i stručne prakse studenata iz oblasti studijskih programa medicinskih nauka kroz potpisivanje odgovarajućih sporazuma o saradnji sa JU Općom bolnicom „Prim. dr. Abdulah Nakaš“, radi postizanja kvaliteta obrazovnog i stručnog rada u vidu stručne prakse i praktičnog rada studenata završnih godina studija medicinskih nauka.

U vezi sa postavljenom zastupničkom inicijativom, dostavljamo sljedeći:

ODGOVOR

Ministarstvo zdravstva Kantona Sarajeva je upućenu inicijativu prosljedilo prema J.U. Opća bolnica „Prim. dr. Abdulah Nakaš“ Kantona Sarajevo, a zaprimljeni odgovor u cijelosti Vam ovim putem dostavljamo, kao poseban akt, predmet broj 01-4772-1/23 od 4.05.2023. godine - JU Opća bolnica „Prim. dr. Abdulah Nakaš“ Kantona Sarajevo.

S poštovanjem,



MINISTAR

Prof. dr. Haris Vranić

DOSTAVLJENO:

1. Naslovu
2. a/a



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba

Broj: 01-4772-1/23
Datum: 04.05.2023.g.

2400

KANTON SARAJEVO
5-05-2023
Redni broj
10 33 8156-5-138

KANTON SARAJEVO
Ministarstvo zdravstva KS
n/r Ministra Prof.dr. Haris Vranić

PREDMET: Odgovor na zastupničku inicijativu, veza Vaš akt broj 10-33-8156-5/23 od 14.04.2023.g.- dostavlja se

Poštovani,

Dana 19.04.2023.g. zaprimili smo Vaš dopis, broj i datum iz naslova, kojim tražite dostavljanje informacija po upućenoj zastupničkoj inicijativi zastupnika Elvedina Okerića a koja se odnosi na stvaranje uslova kako bi se u JU Opća bolnica „Prim.dr. Abdulah Nakaš“ omogućio praktični rad i obavljanje stručne prakse studentima završnih godina studija medicinskih nauka.

U vezi sa navedenim obavještavamo kako slijedi.

Univerzitet u Sarajevu dana 27.02.2019.g. donio je Odluku kojom se utvrđuje status nastavne baze JU Opća bolnica „Prim.dr. Abdulah Nakaš“, a po inicijativi u formi Odluke upućenoj od strane Stomatološkog fakulteta sa klinikama Univerziteta u Sarajevu. Naša Bolnica se Federalnom ministarstvu zdravstva obratila sa zahtjevom za davanje prijedloga za dodjelu naziva Univerzitetska bolnica, a koji postupak je obustavljen zbog rješavanja prethodnog pitanja i to usklađivanja Osnivačkog akta Bolnice, a koji postupak nije u našoj nadležnosti i Statuta Bolnice, a koji postupak možemo provesti tek nakon izmjene Osnivačkog akta.

U međuvremenu, pored Univerziteta u Sarajevu, Senat Sarajevo School of Science and Tehnology dana 20.03.2023.g. donio je Odluku kojom se utvrđuje status nastavne baze JU Općoj bolnici „Prim.dr. Abdulah Nakaš“ za Medicinski fakultet.

Bolnica se u skladu sa članom 9. Pravilnika o uvjetima koje moraju ispunjavati bolnice za dodjelu naziva univerzitetska bolnica („Službene novine FBiH“ broj: 85/12) obratila Ministarstvu zdravstva KS, Federalnom ministarstvu zdravstva i Ministarstvo za nauku, visoko obrazovanje i mlade propisano sa zahtjevima za davanje prethodne saglasnosti za obavljanje nastave. Naime članom 9. Pravilnika propisano je da je jedan od uslova za davanje prijedloga od strane Federalnog ministarstva zdravstva i prethodno pozitivno mišljenje fakulteta za koji se obavlja nastava, a da je istu moguće obavljati po prethodno pribavljenoj saglasnosti nadležnog ministra za obrazovanje i nauku i Federalnog ministra zdravstva.

Od strane Ministarstva zdravstva KS dobili smo odgovor da se navedeno ne nalazi u nadležnosti ministarstva, dok samo od Federalnog ministarstva zdravstva dobili odgovor da još uvijek nismo ispunili uvjete za astavak postupka.


Dakle da bi uopće u nastavljenom postupku pred Federalnim ministarstvom zdravstva ishodili davanje prijedloga prema nadležnom organu neophodno je mišljenje fakulteta na osnovu provedene nastave, a isto možemo provoditi samo uz prethodnu saglasnost organa koji su se oglasili nenadležnim ili naš akt tretirali kao uregenciju bez dalje primjene Pravilnika. Napominjemo da je Pravilnika o uvjetima koje moraju ispunjavati bolnice za dodjelu naziva univerzitetska bolnica („Službene novine FBiH“ broj: 85/12) lex specialis u primjeni ispred Zakona o visokom obrazovanju KS.

Imajući u vidu sve navedeno, ovim putem želimo obavijestiti kako je Bolnica i ranije iskazala spremnost i volju kako bi se studentima medicinskih usmjerenja omogućilo provođenje i praktičnog rada i praktične nastave, te ćemo i u našem daljem radu ustrajavati na realizaciji pokrenutih aktivnosti kako bi se navedeno omogućilo u Bolnici. Za sve potrebno stojimo na raspolaganju.

Prilog:

- Odluka Senata UNSA od 27.02.2023.g.
- Odluka Senata SSST od 20.03.2023.g.
- Zahtjev broj 01-3496/23 od 23.03.2023.g.
- Zahtje broj 01-3496-1/23 od 23.03.2023.g.
- Odgovor MZ KS broj 10-33-7856/23 od 31.03.2023.g.
- Odgovor FMZ broj 02-37-5677-2/21 od 29.03.2023.g.

S poštovanjem,



DIREKTOR

Prof. dr. Asmet Gavrankapetanović

Dostaviti:

- naslovu
- Kabinet direktora
- Odjeljenje za pravne, kadrovske i opće poslove MH
- a/a.



- SENAT -

Broj: 01-8-67/19

Sarajevo, 27. 02. 2019. godine

Na osnovu člana 130, a u vezi sa članom 59. stav (4) Zakona o visokom obrazovanju („Službene novine Kantona Sarajevo“ broj: 33/17) i člana 59, a u vezi sa članom 34. Statuta Univerziteta u Sarajevu, uz prethodno pribavljeno Mišljenje Upravnog odbora Univerziteta u Sarajevu broj: 02-23/19 od 14. 02. 2019. godine, Senat Univerziteta u Sarajevu je, na 28. redovnoj sjednici održanoj 27. 02. 2019. godine, *d o n i o s l i j e d e ć u*

ODLUKU

I

Utvrđuje se status nastavne baze Javnoj ustanovi Opća bolnica „Prim. dr. Abdulah Nakaš“.

II

Ova odluka stupa na snagu danom donošenja.

Obrazloženje:

Vijeće Stomatološkog fakulteta sa klinikama Univerziteta u Sarajevu dostavilo je Univerzitetu u Sarajevu Odluku broj: 01-4-51-2/2019 od 14. 01. 2019. godine, kojom je na Molbu Javne ustanove Opća bolnica „Prim. dr. Abdulah Nakaš“ (Molba broj: 230/19 od 09. 01. 2019. godine) prihvaćena inicijativa da se Javnoj ustanovi Opća bolnica „Prim. dr. Abdulah Nakaš“ dodjeli status nastavno-naučne baze.

Razmatrajući inicijativu Vijeća Stomatološkog fakulteta sa klinikama Univerziteta u Sarajevu, Vijeće grupacije medicinskih nauka je na svojoj 27. redovnoj sjednici održanoj 22. 01. 2019. godine, većinom glasova, podržalo Inicijativu, te je ista proslijeđena na razmatranje Senatu Univerziteta u Sarajevu.

Senat Univerziteta u Sarajevu je na 27. redovnoj sjednici održanoj 30. 01. 2019. godine, većinom glasova, donio Odluku broj: 01-3-39/19 kojom je podržana Inicijativa Vijeća grupacije medicinskih nauka Univerziteta u Sarajevu da se Javnoj ustanovi Opća bolnica „Prim. dr. Abdulah Nakaš“ dodjeli status nastavno-naučne baze, te je ista proslijeđena Upravnom odboru Univerziteta u Sarajevu radi pribavljanja prethodnog Mišljenja.

Upravni odbor Univerziteta u Sarajevu je na sjednici održanoj 14. 02. 2019. godine, dao pozitivno Mišljenje na prijedlog Stomatološkog fakulteta sa klinikama Univerziteta u Sarajevu da se Javnoj

ustanovi Opća bolnica „Prim. dr. Abdulah Nakaš“ dodjeli status nastavne baze (broj Mišljenja: 02-23/19 od 14. 02. 2019. godine).

Cijeneći naprijed navedeno, a shodno odredbama člana 59. stav (4) Zakona o visokom obrazovanju („Službene novine Kantona Sarajevo“ broj: 33/17), Senat Univerziteta u Sarajevu je, većinom glasova, donio odluku kao u dispozitivu.

REKTOR

Prof. dr. Rifat Skriještj

Dostaviti:

- Javnoj ustanovi Opća bolnica „Prim. dr. Abdulah Nakaš“
- Stomatološkom fakultetu sa klinikama UNSA
- U dokumentaciju Senata
- Arhivi



- SENAT -

Broj: S-0012/23

Sarajevo, 20.03.2023. godine

Na osnovu člana 61. a u vezi sa članom 86. stav (5) Zakona o visokom obrazovanju („Službene novine Kantona Sarajevo“ broj: 36/22) i članom 37. Statuta Univerziteta Sarajevo School of Science and Technology, uz prethodno pribavljeno Mišljenje Upravnog odbora Univerziteta Sarajevo School of Science and Technology broj: 4-UO-SSST-03/23 od 16.03.2023. godine, Senat Univerziteta Sarajevo School of Science and Technology (univerzitet SSST) je, na redovnoj sjednici održanoj 20.03.2023. godine, *donio sljedeću*

ODLUKU

I

Utvrđuje se Javnoj ustanovi Opća bolnica “Prim. Dr. Abdulah Nakaš” Sarajevo status nastavne baze Univerziteta Sarajevo School of Science and Technology – Medicinski fakultet.

II

Ova odluka stupa na snagu danom donošenja.

Obrazloženje

Senat Univerziteta Sarajevo School of Science and Technology je na svojoj sjedinici održanoj 28.02.2023. godine donio Odluku broj: S-0011/23, kojom je podržana inicijativa Vijeća Medicinskog fakulteta Univerziteta Sarajevo School of Science and Technology da se Javnoj ustanovi Opća bolnica “Prim. Dr. Abdulah Nakaš” Sarajevo dodijeli status nastavne baze, za potrebe organizovanja i realizacije praktičnog rada i stručne prakse studenata Univerziteta SSST - Medicinski fakultet. Saglasno odredbi člana 86 stav (5) Zakona o visokom obrazovanju („Sl. novine Kantona Sarajevo“, broj: 36/22), Upravni odbor Univerziteta Sarajevo School of Science and Technology je na sjednici održanoj 16.03.2023. godine, dao pozitivno Mišljenje da se Javnoj ustanovi Opća bolnica “Prim. dr. Abdulah Nakaš” Sarajevo dodijeli status nastavne baze (Mišljenje broj: 4-UO-SSST-03/23 od 16.03.2023. godine). Cijeneći naprijed navedeno, a uvažavajući odredbe člana 41. stav (1) Zakona o zdravstvenoj zaštiti Federacije Bosne i Hercegovine („Službene novine FBiH“, broj: 46/10 i 75/13), Senat Univerziteta Sarajevo School of Science and Technology je donio odluku kao u dispozitivu.

REKTOR

Prof. dr. Vjekoslav Domljan

Dostaviti:

- Medicinskom fakultetu
- Javnoj ustanovi Opća bolnica “Prim. dr. Abdulah Nakaš” Sarajevo (ul. Kranjčevićeva 12, Sarajevo)
- U dokumentaciju Senata
- Arhivi

Broj: 01-3496/23

Datum: 23.03.2023.g.

FEDERALNO MINISTARSTVO ZDRAVSTVA
Maršala Tita 9

MINISTARSTVO ZA NAUKU, VISOKO OBRAZOVANJE I MLADE
Reisa Džemaludina Čauševića 1

PREDMET: Zahtjev za davanje saglasnosti za obavljanje prakse

Poštovani,

Pred Federalnim ministarstvom zdravstva pokrenuli smo postupak za davanje prijedloga za dodjelu naziva univerzitetska bolnica, a koji je obustavljen zbog rješavanja prethodnog pitanja i to usklađivanja Osnivačkog akta i Statuta Bolnice. Navedeno je u završnoj fazi te će Bolnica u najkraćem roku dostaviti traženo.

U međuvremenu, pored Univerziteta u Sarajevu na prijedlog Stomatološkog fakulteta sa klinikama, Senat Univerziteta Sarajevo School of Science and Tehnology (Univerzitet SSST) donio je Odluku kojom se utvrđuje status nastavne baze Univerziteta SSST našoj Bolnici, a koju Odluku dostavljamo u prilogu ovog akta.

Pravilnikom o uvjetima koje moraju ispunjavati bolnice za dodjelu naziva univerzitetska bolnica („Službene novine FBiH“ broj: 85/12) propisano je da je jedan od uslova za davanje prijedloga od strane Federalnog ministarstva zdravstva i prethodno pozitivno mišljenje fakulteta za koji se obavlja nastava, a da je istu moguće obavljati po prethodno pribavljenoj saglasnosti nadležnog ministra za obrazovanje i nauku i Federalnog ministra zdravstva.

Dakle, nedvojbeno proizilazi da je uslov da bi Bolnica dalje nastavila već pokrenuti postupak dodjele naziva Univerzitetska bolnica, da se u istoj provodi nastava a po prethodno pribavljenim saglasnostima.

Imajući u vidu sve iznad navedeno, ovim putem se obraćamo sa zahtjevom za davanje saglasnosti/ privremene saglasnosti za potrebe organizovanja i realizaciju praktičnog rada i stručne prakse u našoj Bolnici studentima Univerziteta SSST-a, a kako bi na koncu ispunili i propisane Federalnim pravilnikom.

Prilog:

- Kao u tekstu

Dostaviti:

-naslovima

-Odjeljenje za pravne, kadrovske i opće poslove



DIREKTOR
Prof. dr. Ismet Gavrankapetanović

Broj: 01-3696-1/23

Datum: 23.03.2023.g.

MINISTARSTVO ZDRAVSTVA KS
Reisa Džemaludina Čauševića 1
n/r Ministra Prof.dr. Haris Vranić

PREDMET: Zahtjev za davanje saglasnosti za obavljanje prakse

Poštovani,

Pred Federalnim ministarstvom zdravstva pokrenuli smo postupak za davanje prijedloga za dodjelu naziva univerzitetska bolnica, a koji je obustavljen zbog rješavanja prethodnog pitanja i to usklađivanja Osnivačkog akta i Statuta Bolnice. Navedeno je u završnoj fazi te će Bolnica u najkraćem roku dostaviti traženo.

U međuvremenu, pored Univerziteta u Sarajevu na prijedlog Stomatološkog fakulteta sa klinikama, Senat Univerziteta Sarajevo School of Science and Tehnology (Univerzitet SSST) donio je Odluku kojom se utvrđuje status nastavne baze Univerziteta SSST našoj Bolnici, a koju Odluku dostavljamo u prilogu ovog akta.

Pravilnikom o uvjetima koje moraju ispunjavati bolnice za dodjelu naziva univerzitetska bolnica („Službene novine FBiH“ broj: 85/12) propisano je da je jedan od uslova za davanje prijedloga od strane Federalnog ministarstva zdravstva i prethodno pozitivno mišljenje fakulteta za koji se obavlja nastava, a da je istu moguće obavljati po prethodno pribavljenoj saglasnosti nadležnog ministra za obrazovanje i nauku i federalnog ministra zdravstva.

Dakle, nedvojbeno proizilazi da je uslov da bi Bolnica dalje nastavila već pokrenuti postupak dodjele naziva Univerzitetska bolnica, da se u istoj provodi nastava a po prethodno pribavljenim saglasnostima.

Imajući u vidu sve iznad navedeno, nadležnom Ministarstvu za nauku, visoko obrazovanje i nastavu KS i Federalnom ministarstvu zdravstva obratili smo se sa navedenim zahtjevima.

Obzirom na navedeno, u skladu sa odredbom člana 59. Zakona o zdravstvenoj zaštiti FBiH, ovim putem Vam se obraćamo sa zahtjevom za davanje saglasnosti/ privremene saglasnosti u formi rješenja za potrebe organizovanja i realizaciju praktičnog rada i stručne prakse našoj Bolnici studentima Univerziteta SSST-a, a kako bi na koncu ispunili i propisane Federalnim pravilnikom.

Prilog:

- Kao u tekstu

Dostaviti:

-naslovu

-Odjeljenje za pravne, kadrovske i opće poslove



DIREKTOR
Prof.dr. Ismet Gavran kapetanović

Broj: 02-37- 5677-2/21
Sarajevo, 29.03.2022.godine

**JU OPĆA BOLNICA „PRIM.DR. ABDULAH NAKAŠ“
SARAJEVO**

Ul. Kranjčevićeva broj 12

Javna ustanova Opća bolnica
"Prim. dr. Abdulah Nakaš"
SARAJEVO
Broj: 01-3496-1/23
03-04-2023
Datum: 29.03.2023. god.

**PREDMET: Odgovor na akt.
Veza, Vaš akt broj 01-3496/23 od 23.03.2023. godine**

Poštovani,

Povodom Vašeg akta upućenog ovom ministarstvu, a u kojem tražite izdavanje suglasnosti/privremene suglasnosti za potrebe organizovanja praktičnog rada i stručne prakse sukladno Odluci Senata SSST broj S-0012/23 od 20.03.2023. godine kojom se utvrđuje da JU Opća Bolnica „Prim.dr Abdulah Nakaš“ Sarajevo, ima status nastavne baze Univerziteta SSST- Medicinski fakultet, te u kontekstu navedenog urgirate za rješavanje zahtjeva da dodjelu naziva univerzitetska bolnica kod ovog Ministarstva, odgovaramo Vam sljedeće:

U povodu podnijetog zahtjeva za dodjelu naziva univerzitetska bolnica, ovo ministarstvo je donijelo Zaključak o prekidu postupka broj 02-37-5667/21 od 17.11.2021. godine kojim Vam je i dostavljen. U Zaključku je navedeno da se prekida postupak pokrenut kod Federalnog ministarstva zdravstva po zahtjevu JU Opća bolnica "Prim. dr Abdulah Nakaš" Sarajevo za dodjelu naziva univerzitetska bolnica, te da će prekid postupka trajati dok se pravomoćno ne riješe prethodna pitanja koja su od značaja za rješavanje u postupku dodjele naziva univerzitetska bolnica.

Ovo ministarstvo nije dobilo obavijest od JU Opća bolnica "Prim. dr Abdulah Nakaš" Sarajevo o riješenim prethodnim pitanjima, a koja se navode u predmetnom Zaključku.

Slijedom toga, također izvješćujemo vas da ovo ministarstvo nije nadležno da postupa po Odluci Senata SSST broj S-0012/23 od 20.03.2023. godine kojom se utvrđuje da JU Opća Bolnica „Prim.dr Abdulah Nakaš“ Sarajevo, ima status nastavne baze Univerziteta SSST- Medicinski fakultet, koja je donijeta sukladno članku 86. stavak (5) Zakona o visokom obrazovanju Kantona Sarajevo („Službene novine Kantona Sarajevo, broj 38/22), niti ima mandat da po tom osnovu daje suglasnost za izvođenje praktičnog rada i stručne prakse studentima Medicinskog fakulteta- Univerziteta SSST u Vašoj zdravstvenoj ustanovi.

Opreza radi navodimo, da je člankom 104. stavak (1) Zakona o zdravstvenopj zaštiti („Službene novine Federacije BiH", br. 46/10 i 75/13), utvrđeno da Bolnica može dobiti status univerzitetske bolnice koji dodjeljuje javni univerzitet, na prijedlog Federalnog ministarstva zdravstva, a uz prethodno pribavljeno mišljenje fakulteta zdravstvenog usmjerenja, ako se u bolnici provodi nastava u okviru univerzitetskog obrazovanja. Postupak se provodi temeljem citiranog Zakona i Pravilnika o uvjetima koje moraju ispunjavati bolnice za dodjelu naziva univerzitetska bolnica („Službene novine Federacije BiH", broj 85/12).

Sukladno navedenim propisima iz oblasti zdravstva, postupak dodjele statusa/naziva univerzitetska bolnica, kojim se stječe pravo obavljanja nastave za fakultete zdravstvenog usmjerenja, provodi se u tri faze: na temelju dokumentiranog zahtjev zdravstvene ustanove podnietog Federalnom ministarstvu zdravstva, te provedenog upravnog postupka, Federalno ministarstvo zdravstva donosi rješenje u kojem se utvrđuje da zdravstvena ustanova ispunjava uvjete za dodjelu statusa/naziva univerzitetska bolnica i daje prijedlog da ista bude univerzitetska bolnica, sukladno članku 104. stavka (1) citiranog Zakona i članku 13. citiranog Pravilnika; nakon pribavljanja navedenog rješenja koje izdaje Federalno ministarstvo zdravstva, zdravstvena ustanova se obraća fakultetu zdravstvenog usmjerenja koji izdaje mišljenje temeljem članka 17. citiranog Pravilnika; nakon toga zdravstvena ustanova se obraća Rektor Javnog Univerziteta koji temeljem dokumentiranog zahtjeva zdravstvene ustanove, provodi upravni postupak, te sukladno svojim ovlastima iz članka 104. stavak (1) citiranog Zakona i članka 19. citiranog Pravilnika donosi konačno rješenje kojim se dodjeljuje zdravstvenoj ustanovi status/naziv univerzitetska bolnice ili rješenje kojim se odbija zahtjev. Ovo rješenje je konačno u upravnom postupku i protiv istog se može pokrenuti samo upravni spor.

Slijedom navedenog, s aspekta propisa iz oblasti zdravstva, ponovno vas upućujemo na ispunjenje prethodnih pitanja utvrđenih Zaključkom o prekidu postupka broj 02-37-5667/21 od 17.11.2021. godine, koji je donijet u postupku po Vašem zahtjevu za dodjelu naziva univerzitetska bolnica, u smislu odredbi citiranog Zakona, kao i Pravilnika o uvjetima koje moraju ispunjavati bolnice za dodjelu naziva univerzitetska bolnica.

O prednjem se obavještavate radi znanja.

S poštovanjem,

**Po ovlaštenju Vlade Federacije BiH
POMOĆNIK MINISTRA
Prim. dr. Marina Bera**

Bosna i Hercegovina
Federacija Bosne i Hercegovine
KANTON SARAJEVO
Ministarstvo zdravstva



Босна и Херцеговина
Федерација Босне и Херцеговине
КАНТОН САРАЈЕВО
Министарство здравства

Bosnia and Herzegovina
Federation of Bosnia and Herzegovina
CANTON SARAJEVO
Ministry of Health

Broj: 10-33-7856/23

Sarajevo, 31.03.2023.godine

Javna ustanova Opća bolnica
"Prim. dr. Abdulah Nakaš"
SARAJEVO
Broj: 01-4072/23
Datum: 04-04-2023 20. god

JU Opća bolnica "Prim.dr Abdulah Nakaš"
n/r Direktora Prof.dr Faris Gavrankapetanović
ul. Kranjčevićeva broj 12
71000 Sarajevo

02A-MADP
SENADA
ni
gpa

PREDMET: Zahtjev za davanje saglasnosti za obavljanja prakse, odgovor dostavlja se

Poštovani,

Vežano za Vaš zahtjev, akt broj 01-3496-1/23 od 23.03.2023.godine kojim tražite saglasnost / privremenu saglasnost u formi Rješenja za potrebe organizovanja i realizaciju praktičnog rada i stručne prakse studentima Univerziteta SSST-a u JU Opća Bolnica "Prim. dr Abdulah Nakaš" obavještavamo Vas da se isto ne nalazi u nadležnosti ovog ministarstva.

S poštovanjem,

MINISTAR

Prof. dr Haris Vranić

Dostaviti:

- naslovu
- a/a



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba